

Broj: 04-47-5-588-4/21VT
Banja Luka, 18.11.2021. godine

Z A P I S N I K
o izvršenom nadzoru nad radom Udruge filmske industrije UFI za 2020. godinu
član 12. Zakona o kolektivnom ostvarivanju autorskog i srodnih prava („Službeni glasnik BiH“
broj 63/10)

Dana 26.10.2021. godine u prostorijama Udruge filmske industrije UFI, Administrativno – poslovni centar bb, Kiseljak, ovlašteni službenici Instituta za intelektualno vlasništvo Bosne i Hercegovine su započeli nadzor nad radom kolektivne organizacije, s ciljem da utvrde da li ona obavlja djelatnost kolektivnog ostvarivanja prava kablovskog reemitovanja audiovizuelnih djela, u skladu sa izdatom dozvolom, odredbama Zakona o kolektivnom ostvarivanju autorskog i srodnih prava, drugim relevantnim propisima i svojim opštim aktima. Zbog epidemioloških razloga nadzor je obavljan najvećim dijelom iz prostorija Instituta, a samo najnužnijim dijelom u prostorijama UFI-ja.

Prisutni:

1. U ime Instituta za intelektualno vlasništvo BiH: Boris Sesar, pomoćnik direktora za budžet, finasijske i računovodstveno - materijalne poslove i Tatjana Vitomir, šef Odsjeka za autorsko i srodna prava.
2. U ime UFI-ja: Antonio Beus, predsjednik Upravnog odbora/predsjednik udruženja i Josip Vujica, tajnik UFI-ja.

Nadzor je počeo u 11,00 časova.

U postupku nadzora službenici Instituta su pitali sljedeće:

1. Koliko kolektivna organizacija ima članova?

Antonio Beus, predsjednik Upravnog odbora/predsjednik udruge je odgovorio da kolektivna organizacija Udruga filmske industrije ima 53 autora/nositelja prava na audiovizuelnim djelima koji su sukladno relevantnim odredbama zakona te Statuta i drugih internih akata UFI-ja, punopravni redoviti članovi.

2. Koliko nosilaca prava se isključilo iz sistema kolektivnog ostvarivanja prava i koji su to autori i nosioci prava u pitanju (ovo važi samo za one nosioce prava i ona prava za koja je zakonom dozvoljeno da se njihovi nosioci isključe iz sistema kolektivnog ostvarivanja i to pisanom izjavom dostavljenom organizaciji)?

Antonio Beus, predsjednik Upravnog odbora/predsjednik udruge je odgovorio da se u slučaju UFI-ja radi o obveznom kolektivnom ostvarivanju prava – prava na kablensko reemitiranje audiovizuelnih autorskih djela (dalje u tekstu: AV djela). No, i nevezano za to, zaključno sa zadnjim danom perioda za koji se radi nadzor niti jedan autor/nositelj autorskog prava nije, u pisanom obliku, obavijestio UFI da svoja prava u vezi s kablenskim reemitiranjem AV djela eventualno ne želi ostvarivati na kolektivan način.

3. Da li je organizacija do dana vršenja neposrednog nadzora zaključila novi bilateralni ugovor sa drugom srodnom organizacijom? Ako jeste, s kojom organizacijom i šta je predmet tog ugovora?

Antonio Beus, predsjednik Upravnog odbora/predsjednik udruge je odgovorio da do dana vršenja nadzora UFI nije zaključio novi bilateralni ugovor s drugom srodnom organizacijom. Podsjećamo da je UFI punopravna članica organizacije AGICOA (Association de Gestion Internationale Collective des Oeuvres Audiovisuelles) sa sjedištem u Geneva, Switzerland, kao specijalizirane profesionalne organizacije za međunarodno kolektivno upravljanje AV djelima koja okuplja 51 srodnu organizaciju iz raznih država svijeta uključujući zemlje zapadne Europe, Skandinavije, SAD, Kanadu, Rusiju, Kinu, Australiju, Indiju i dr. U periodu za koji se vrši nadzor UFI je bila u fazi formaliziranja načina i uvjeta suradnje koja omogućava ostvarivanje prava domaćih autora najmanje u 37 država iz navedenih dijelova svijeta.

4. Da li je organizacija, u rokovima propisanim bilateralnim ugovorima izvršila isplatu naknada stranim srodnim organizacijama s kojim ima zaključen ugovor o međusobnom zastupanju?

Antonio Beus, predsjednik Upravnog odbora/predsjednik udruge je odgovorio da UFI u periodu za koji se vrši nadzor nije vršila isplate naknada inozemnim srodnim organizacijama temeljem ugovora o međusobnom zastupanju, niti je u tom periodu imala dospelih ugovornih obveza isplata po tom osnovu.

5. Da li su strane organizacije s kojima domaća organizacija ima zaključen bilateralni ugovor blagovremeno isplatile naknadu za iskorištavanje domaćih autorskih djela odnosno srodnih prava u inostranstvu i dostavile odgovarajuće informacije na osnovu kojih domaća organizacija može te naknade da isplati domaćim nosiocima prava?

Antonio Beus, predsjednik Upravnog odbora/predsjednik udruge je odgovorio da u 2020. godini nije bilo isplata naknada za iskorištavanje domaćih autorskih djela od strane inozemnih organizacija, niti dospelih ugovornih obveza takvih isplata.

6. Da li je organizacija prijavila/razmijenila svoj repertoar sa svim inostranim organizacijama sa kojima ima zaključen ugovor o bilateralnoj suradnji?

Antonio Beus, predsjednik Upravnog odbora/predsjednik udruge je odgovorio da je UFI i u 2020. godini bio u fazi prikupljanja i obrade podataka radi unosa u jedinstveni standardizirani katalog AV djela domaćih autora/nositelja prava, a koji je faktička pretpostavka za razmjenu repertoara, odnosno prijavu djela inozemnim organizacijama.

7. Na koje brojeve računa i kod kojih banaka korisnici autorskih djela odnosno srodnih prava uplaćuju naknadu domaćoj organizaciji?

Antonio Beus, predsjednik Upravnog odbora/predsjednik udruge je odgovorio da su računi za uplate naknada od korisnika za korištenje autorskih djela iz repertoara UFI-ja sljedeći:

- 3383402250034891 otvoren kod UniCredit Bank d.d. Mostar, i
- 1541602002996589 otvoren kod Intesa Sanpaolo Banka d.d. Sarajevo.

8. Na kojim računima i kod kojih banaka organizacija prikuplja ili drži novac ubran na osnovu obavljanja djelatnosti kolektivnog ostvarivanja autorskog ili srodnih prava? Ko je ovlašten za raspolaganje sredstvima na računu kolektivne organizacije i čiji potpisi su deponirani u banci?

Antonio Beus, predsjednik Upravnog odbora/predsjednik udruge je odgovorio da UFI novčana sredstva u vezi s obnašanjem poslova kolektivnog ostvarivanja autorskog prava prikuplja i drži na sljedećim računima:

- 3383402250034891 otvoren kod UniCredit Bank d.d. Mostar, i
- 1541602002996589 otvoren kod Intesa Sanpaolo Banka d.d. Sarajevo.

Za raspolaganje novčanim sredstvima na računima UFI-ja ovlašten je Upravni odbor UFI u okviru određenom relevantnim internim aktima UFI-ja, a u gore navedenim bankama je deponiran potpis predsjednika Upravnog odbora i predsjednika UFI-ja.

9. Da li organizacija vrši oročavanje novca prikupljenog na ime naknada za iskorištavanje autorskih djela i predmeta srodnih prava?

Antonio Beus, predsjednik Upravnog odbora/predsjednik udruge je odgovorio da UFI nije vršila oročavanje novca prikupljenog na ime naknada za korištenje autorskih djela iz svog repertoara.

10. Da li organizacija ima posebno odvojen novac na nekom od računa koji služi za isplatu naknada nositeljima prava po usvajanju prigovora na pojedinačne obračune?

Antonio Beus, predsjednik Upravnog odbora/predsjednik udruge je odgovorio da u periodu za koji se vrši nadzor UFI nije imala posebno odvojen novac niti otvoren poseban račun za odvajanje novčanih sredstava koja bi služila za isplatu naknada autorima/nositeljima autorskog prava po usvajanju prigovora na pojedinačne obračune naknada.

11. Na koji način organizacija isplaćuje nosioce prava čiji prigovori ili žalbe na pojedinačni obračun naknada su usvojeni od strane nadležnog organa ili tijela organizacije?

Antonio Beus, predsjednik Upravnog odbora/predsjednik udruge je odgovorio da nije bilo ni prigovora i/ili žalbi autora/nositelja autorskog prava, niti isplata s tim u vezi.

12. Da li organizacija ima i druge prihode osim prihoda koje ostvaruje kolektivnim ostvarivanjem autorskog i srodnih prava? Ako ima, koji su to prihodi i u koje svrhe je prihod iskorišten?

Antonio Beus, predsjednik Upravnog odbora/predsjednik udruge je odgovorio da je UFI u 2020. godini osim prihoda koji se ostvaruju obnašanjem poslova kolektivnog ostvarivanja autorskog prava imala i druge prihode (refundacija na ime neto plaće za vrijeme bolovanja, nadoknada za sudske sporove i dr.), u ukupnom iznosu od 3.208 KM. Navedeni prihodi su iskorišteni u svrhe za koje su i namijenjeni i primljeni.

13. U slučaju da organizacija ima i druge prihode osim prihoda od ostvarivanja autorskog odnosno srodnih prava, kako se ta sredstva troše ili raspodjeljuju?

Antonio Beus, predsjednik Upravnog odbora/predsjednik udruge je odgovorio da se prihodi koji nisu ostvareni obnašanjem poslova kolektivnog ostvarivanja autorskog prava troše za namjene na ime kojih su i primljeni.

14. Koliko je ukupno bilo prigovora nositelja prava na obračun naknada u prethodnoj kalendarskoj godini za prethodnu obračunsku godinu, a koji su dostavljeni nadležnom tijelu ili organu organizacije?

Antonio Beus, predsjednik Upravnog odbora/predsjednik udruge je odgovorio da u prethodnoj kalendarskoj godini nije bilo niti prigovora nositelja prava na obračun naknada za prethodnu obračunsku godinu koji su dostavljeni nadležnom tijelu ili organu organizacije. Inače, sukladno odlukama Skupštine UFI-ja, u tom periodu nije bilo raspodjele sredstava autorima/nositeljima prava. Također, podsjećamo da za 2020. godinu UFI nije imao zaključen kolektivni ugovor, te stoga i nije bila u mogućnosti vršiti naplatu naknade od korisnika. Glavni razlog za to je protupravno djelovanje bivše kolektivne organizacije (Udruženja filmskih radnika) koja svojim aktivnostima na sve načine onemogućava UFI da obnaša poslove kolektivnog ostvarivanja prava, prvenstveno lažno se predstavljajući da su oni aktualna kolektivna organizacija, čime nastoje kod korisnika – kablskih operatera/reemitera stvoriti "dilemu" koja organizacije je uopće ovlaštena za kolektivno ostvarivanje prava u vezi s kablskim reemitiranjem AV djela. Tu situaciju onda reprezentativna udruga korisnika – kablskih operatera/reemitera (Asocijacija kablskih operatera BiH) naziva "pravna nesigurnost" te istu koristi kao opravdanje za izbjegavanje pregovora i zaključenja novog kolektivnog ugovora.

Napomena Instituta: Odlukom Skupštine UFI-ja broj: 07-19-20/20 od 19.02.2020. godine određeno je da se raspodjela prikupljenih sredstava odgađa i da se neće vršiti do drugačije odluke Skupštine, a da će se ta sredstva koristiti za aktivnosti i izdatke koje osiguravaju egzistenciju udruženja i očuvanje dozvole.

15. Koliko je prigovora nositelja prava na obračun naknada usvojeno u cijelosti a koliko je odbačeno ili odbijeno?

Antonio Beus, predsjednik Upravnog odbora/predsjednik udruge je odgovorio da u 2020. godini uopće nije bilo prigovora autora/nositelja autorskog prava na obračun naknada, jer nije bilo raspodjele nosiocima prava.

16. Da li članovi Skupštine, Upravnog odbora, Nadzornog odbora kao i drugih organa i tijela organizacije dobivaju naknadu za rad u tim organima, odnosno tijelima i ako dobivaju, koliko iznosi ta naknada?

Antonio Beus, predsjednik Upravnog odbora/predsjednik udruge je odgovorio da za rad u organima/tijelima UFI-ja je predviđena naknada, i to:

- Predsjedništvo skupštine: predsjedavajući Skupštine 300 KM, član Predsjedništva Skupštine 150 KM, po svakoj sjednici tog organa;
- Nadzorni odbor: predsjednik Nadzornog odbora 800 KM, član Nadzornog odbora 700 KM, po mjesecu u kojem je bilo održavanja sjednica tog organa;
- Upravni odbor: predsjednik Upravnog odbora 900 KM, dopredsjednik Upravnog odbora 850 KM, član Upravnog odbora 800 KM, po mjesecu u kojem je bilo održavanja sjednica tog organa; i
- Odbor za zaštitu autorskog prava: predsjednik Odbora za zaštitu autorskog prava 750 KM, član Odbora za zaštitu autorskog prava 650 KM, po mjesecu u kojem je bilo održavanja sjednica tog organa.

Naprijed navedene naknade za rad u organima/tijelima UFI-ja su iskazane u bruto iznosima, a u 2020. godini one nisu isplaćivane.

17. Koliki su prihodi koje članovi Upravnog i Nadzornog odbora ostvare od iskorištavanja predmeta zaštite u odnosu na prosječan prihod članova organizacije?

Antonio Beus, predsjednik Upravnog odbora/predsjednik udruge je odgovorio da u 2020. godini članovi Upravnog i Nadzornog odbora UFI-ja nisu ostvarili nikakve prihode od UFI-ja na ime iskorištavanja predmeta zaštite.

18. Podaci o softveru i hardveru koji organizacija koristi, te da li je bilo nekih unaprjeđenja i ulaganja u proteklom periodu?

Antonio Beus, predsjednik Upravnog odbora/predsjednik udruge je odgovorio da UFI u svom radu koristi standardizirane softverske i hardverske konfiguracije, a u proteklom periodu UFI nije bila u mogućnosti izvršiti neka značajnija ulaganja i unaprjeđenja. UFI planira u budućem periodu, a sukladno svojim mogućnostima i ukazanim potrebama, u suradnji s partnerskim organizacijama i agencijama još usavršavati i prilagođavati postojeća, kao i razvijati nova rješenja u oblasti IT koja će u potpunosti odgovarati zahtjevima koje postavlja suvremena globalna praksa i tehnika obavljanja poslova kolektivnog ostvarivanja autorskog i srodnih prava.

19. Podaci o bazama podataka koje organizacija koristi, sa osvrtom na međunarodnu praksu u formiranju i korištenju takvih baza?

Antonio Beus, predsjednik Upravnog odbora/predsjednik udruge je odgovorio da je UFI, u suradnji sa svojim suradnicima i partnerima, organizirala kontinuirano prikupljanje podataka i informacija s ciljem izrade vlastitih raznih baza podataka (o AV autorskim djelima, o autorima/nositeljima prava na tim djelima, o iskorištavanju tih djela i sl.) što će nastaviti i u budućem periodu, sve prema svojim potrebama

i mogućnostima, a sukladno praksi i tehnici formiranja i korištenja takvih baza podataka relevantnih inozemnih i domaćih partnerskih organizacija i društava.

20. Podaci o obradi košuljica, procent urednih i neurednih košuljica?

Antonio Beus, predsjednik Upravnog odbora/predsjednik udruge je odgovorio da u 2020. godini nije bilo ni dostavljanja, pa tako ni obrade podataka o iskorištavanju autorskih djela iz repertoara UFI-ja. Kao što je naprijed već navedeno i pojašnjeno, UFI za period za koji se vrši nadzor nije imao zaključen kolektivni ugovor.

21. Uzorak radio i televizijskih stanica, način formiranja uzorka sa detaljnim obrazloženjem i sa osvrtom na međunarodnu praksu u odnosu na to pitanje?

Antonio Beus, predsjednik Upravnog odbora/predsjednik udruge je odgovorio da je UFI u suradnji sa svojim partnerima organizirala kontinuirano praćenje i evidentiranje korištenja, tj. kablenskog reemitiranja AV djela koji za cilj ima formiranje "reprezentativnog uzorka" koji podrazumijeva podatke i informacije o najreemitiranim TV kanalima (22 najzastupljenija/najgledanija TV kanala /iznad 1%/). Na taj način se dobiva vrlo reprezentativan uzorak, odnosno uzorak koji ima znatno veću točnost i u odnosu na međunarodno prihvaćenu praksu i tehniku koja podrazumijeva uzorak dobiven temeljem manjeg broja TV kanala (5-10), odnosno višeg praga "gledanosti" (2%).

Službenik Instituta je tražio na uvid pored analitičke glavne knjige i sintetičku glavnu knjigu, koja je dostavljena. Metodom uzorka kontrolisana je i izuzeta finansijska dokumentacija, i to: račun za nabavu kompjuterske opreme; blagajnički dnevnicima broj: 1,3,5,8; kartica prijelaznog konta; bankovni izvodi u KM broj: 1,3,8,9,10,16,21 i 32 (Intesa Sanpaolo banka); bankovni izvodi u KM broj: 1,2,10,17,21,28,32,35,40,50,54,70 i 77 (UniCredit bank); KIF računi broj 34-128002/01, 31-128037/01 i 32-128037/02 sa Ugovorima; potraživanja po pozajmici za Reprobos; kartica potraživanja od UFR-a; kartica rashoda bez primljenih faktura; plaće i naknade za 07/20; računi troškova (više uzoraka) i to: sitan inventar, troškovi goriva, troškovi knjigovodstva, troškovi revizije, odvjetničke usluge, troškovi reprezentacije, troškovi zakupa, troškovi ostale usluge, troškovi naknada za radna tijela kolektivne organizacije, troškovi nagrada za blagdane i ostali troškovi.

Službenica Instituta je tražila zapisnike i odluke Skupštine, Upravnog i Nadzornog odbora u 2020. godini. Na pitanje službenika Instituta koliko je održano sjednica Skupštine, Upravnog i Nadzornog odbora koje se mogu potkrijepiti zapisnicima u 2020. godini, dostavljeni su na uvid zapisnici sa jedne sjednice Skupštine UFI-ja, 12 zapisnika sa sjednica Upravnog odbora UFI-ja, te 12 zapisnika sa sjednica Nadzornog odbora. Kopije zapisnika su izuzete. Uvidom u dostavljene zapisnike i odluke utvrđeno je da su organi udruženja postupali u skladu sa svojim nadležnostima, utvrđenim Statutom. Izuzeta su i tri ugovora sa korisnicima (Telesky d.o.o. Gradačac, Stokić d.o.o. Doboj i AMB-NET d.o.o. Živinice) sa obračunom i fakturama za 2017. i 2018. godinu. Službenica Instituta je tražila i pregled sudskih postupaka koje je UFI pokrenuo protiv kablovskih operatera (i u kojoj su fazi) i informaciju o raspodjeli naknada nosiocima prava, odnosno informaciju o tome da li je bilo naplate naknada sudskim putem i da li postoji obračun za nosioce prava na audiovizuelnim djelima za prethodne godine. Tražena dokumentacija je dostavljena.

22. Da li je internim pravilnicima uspostavljen sistem internih kontrola, te koji su to pravilnici koje je donijela organizacija?

Antonio Beus, predsjednik Upravnog odbora/predsjednik udruge je odgovorio da je UFI nastavio sa aktivnostima na kreiranju sustava internih kontrola i s tim u vezi izradi i usvajanju odgovarajućih akata

(pravilnika, procedura postupanja, odluka i sl.), te će i u budućem periodu, sukladno svojim mogućnostima i ukazanim potrebama, nastaviti s dogradnjom tog sustava. U tom cilju su na posljednjoj sjednici Skupštine donesena 4 nova pravilnika, i to: Pravilnik o korištenju poštanskih usluga, Pravilnik o načinu podizanja novca s računa, Pravilnik o korištenju telekomunikacijskih usluga i Pravilnik o načinu vršenja nabavki.

23. Koliko su ukupno planirani troškovi poslovanja, a koliki su realizirani rashodi? Kada je Skupština usvojila financijski plan, te da li se rashodi planiraju i usvajaju na analitičkim knjigovodstvenim kontima?

Antonio Beus, predsjednik Upravnog odbora/predsjednik udruge je odgovorio da su troškovi poslovanja UFI-ja za 2020. godinu bili planirani u iznosu od 2.813.877 KM, a iskazani rashodi prema Bruto bilanci iznose 726.175 KM. Skupština UFI-ja je Financijski plan za godinu koja je predmet nadzora usvojila na sjednici 19.02.2020. godine, a rashodi su planirani i usvojeni prema sintetičkoj grupi konta iz kontnog plana za udruge.

24. Koliko je naplaćeno sredstava u godini koju kontroliramo, a koliki je bio ukupan prihod?

Antonio Beus, predsjednik Upravnog odbora/predsjednik udruge je odgovorio da je u 2020. godini naplaćeno 41.451 KM, bez uračunatog PDV. Ukupan prihod prema Bilanci uspjeha na 31.12.2020. godine je iskazan u iznosu od 136.846 KM.

U 2020. godini je naplaćeno po računima iz 2019. i 2020. godine 41.451,00 KM (bez PDV), primljeno predujmova 34.919,72 KM (bez PDV), povrat na ime preplaćenog PDV-a 17.283,00 KM, iz sudskog depozita 32.985,01 KM, refundacija na ime neto plaće za vrijeme bolovanja 357,20 KM, na ime naknade troškova za sudske sporove 2.842,70 KM, i za kamate 7,36 KM.

Napomena Instituta: Početno stanje na dan 01.01.2020. godine na računu Intesa Sanpaolo banke je bilo 40.676,70 KM, naplaćeno je preko računa 56.944,32 KM, dok je isplaćeno preko računa 42.792,46 KM. Na dan 31.12.2020. godine stanje računa je bilo 54.828,56 KM. Također, početno stanje na dan 01.01.2020. godine na računu UniCredit banke je bilo 74.733,24 KM, naplaćeno je preko računa 85.938,68 KM, dok je isplaćeno preko računa 156.309,16 KM. Na dan 31.12.2020. godine stanje računa je bilo 4.362,76 KM.

Analizom izuzetih uzoraka je utvrđeno da se plaćanje vršilo u najvećem dijelu za odvjetničke usluge (veličina uzorka je 59.600 KM), dobavljaču Planus Medija (veličina uzorka je 33.690 KM – računi broj 001/18 i dio računa 002/19), bruto plaće i naknade djelatnika (78.008 KM) i pozajmica za kolektivnu organizaciju Reprobos (čiji je UFI član).

25. Koliki su ukupni troškovi poslovanja procentualno u odnosu na naplaćena sredstva, a koliki u odnosu na ukupan prihod?

Antonio Beus, predsjednik Upravnog odbora/predsjednik udruge je odgovorio da ukupni troškovi poslovanja u 2020. godini iznose 18,13% od iznosa naknada koji se treba naplatiti za taj period prema Financijskom planu za isti period. Podsjećamo da za period koji je predmet nadzora UFI nije imala zaključen kolektivni ugovor te nije bila u mogućnosti vršiti naplatu naknade od korisnika (detaljnije pojašnjeno u odgovoru na pitanje 14.).

Napomena Instituta: Prema Bilanci uspjeha na dan 31.12.2020. godine prihodi UFI-ja su 136.846 KM, a rashodi su 726.175 KM, tj. UFI ima iskazan višak rashoda nad prihodima u iznosu od 589.329 KM.

26. Da li se na Skupštini, prilikom sačinjavanja financijskih izvještaja, troškovi prikazuju na analitičkim knjigovodstvenim kontima?

Antonio Beus, predsjednik Upravnog odbora/predsjednik udruge je odgovorio da se troškovi iz Financijskih izvještaja za Skupštinu prikazuju na analitičkim kontima, a Skupštini prezentiraju prema sintetičkim knjigovodstvenim kontima.

27. Da li se kod programa rada (financijski dio – tabelarni prikaz) usvaja prema sintetičkim ekonomskim kontima, odnosno da li se prilikom usvajanja programa rada vidi koliko je Skupština odobrila sredstava za plate, putne troškove, zakupe poslovnih prostora, ugovorene usluge i sl.)?

Antonio Beus, predsjednik Upravnog odbora/predsjednik udruge je odgovorio da se Program rada (financijski dio – tabelarni prikaz) usvaja prema sintetičkim knjigovodstvenim kontima, odnosno prilikom usvajanja programa rada se vidi koliko je Skupština odobrila sredstava za plate, putne troškove, zakupe poslovnih prostora, ugovorene usluge i sl.

28. Da li je Skupštini prezentirano ko je sve angažiran na obavljanju poslova u KO za konzultantske usluge, ugovore o djelu, ugovore o autorskom djelu, advokatske usluge i sl.?

Antonio Beus, predsjednik Upravnog odbora/predsjednik udruge je odgovorio da je Skupština UFI-ja upoznata s tim ko je sve angažiran za obavljanje navedenih poslova u UFI-ju, a u periodu za koji se vrši nadzor nije bilo angažmana za obavljanje poslova temeljem ugovora o djelu, ugovora o autorskom djelu i sl.

29. Sukladno Bilanci uspjeha i Bruto bilanci, prikazati tabelarno "grupu konta 4" – rashode i prihode?

Antonio Beus, predsjednik Upravnog odbora/predsjednik udruge je dostavio sljedeće podatke:

KONTO	OPIS KNJIŽENJA	DUGUJE	POTRAŽUJE
4000	Sitni inventar	614,69	
4001	Uredski materijal i dr. materijal opći	1.806,04	
4002	Gorivo	1.164,42	
4010	Knjig. administr. i Revizorski l.	25.500,00	
4011	Grafičke usluge	10,00	
4013	Poštanske i tel.usluge	778,78	
4014	Provizija banke	721,25	
4015	Odvjetničke usluge	65.452,13	
4016	Reprezentacija	1.120,30	
4017	Troškovi zakupa i najma	1.200,00	
4019	Ostale usluge i rezerviranja po MRS 37	444.294,26	
4020	Bruto plaće	62.229,24	
4021	Naknade članova radnih tijela i organa	103.350,00	
4022	Vodni doprinos	179,79	
4023	Porez na zaštitu od nesreće	179,79	
4024	Topli obrok	7.650,00	
4028	Nagrade za blagdane	576,00	
4032	Amort. postrojenje i opreme	1.619,71	
4059	Ostali troškovi sl. putovanja –zaposleni	32,29	

4060	Humanitarne donacije	1.600,00
4083	Takse	205,00
4084	Sudske takse	450,00
4085	Ostali troškovi u sudskim postupcima	4.310,00
4086	Negativne tečajne razlike	0,02
4088	Troškovi autoputa, tunela, parkinga	59,63
4089	Rashodi iz prethodnih perioda	72,02
4170	Sredstva za finansiranje rada	133.638,60
417	Prihod od vlastite aktivnosti	133.638,60
4180	Bankarske kamate	7,36
4183	Naknada za sudske sporove	2.842,70
4184	Refundacija bolovanja	357,20
4185	Pozitivne tečajne razlike	0,52
418	Ostali prihodi	3.207,78

30. Da li je bilo isplata akontacija plaća, da li je bilo pozajmica i da li je bilo stimulacija zaposlenih?

Antonio Beus, predsjednik Upravnog odbora/predsjednik udruge je odgovorio da u 2020. godini nije bilo isplata akontacija plaća, pozajmica niti stimulacija zaposlenima.

31. Koliki su ukupni izdaci za sve ugovorene usluge, u bruto i neto iznosu?

Antonio Beus, predsjednik Upravnog odbora/predsjednik udruge je odgovorio da su u 2020. godini izdaci za sve ugovorene usluge, uključujući i troškove sudskih postupaka (sudske takse, advokati i sl.) iznosili 107.583 KM.

Napomena Instituta: Prema Bilanci uspjeha na dan 31.12.2020. godine usluge su prikazane u iznosu od 540.077 KM. Institut je dana 18.11.2021. godinu uputio UFI-ju zahtjev za pojašnjenje navedenog pitanja, s obzirom na neslaganje u iznosima sredstava za ugovorene usluge koji su navedeni u odgovoru na pitanje i podataka koji su navedeni u Bilanci uspjeha. UFI je dostavio sljedeće pojašnjenje: Iznos naveden u napomeni Instituta (540.077 KM) je vrijednost iz Bilance uspjeha za period od 1.1.2020. do 31.12.2020. godine, grupa konta (konto) 401 Usluge, i taj iznos obuhvaća rashode za razne usluge po primljenim fakturama kao i iznos rezerviranja po MRS 37.

32. Kolika su stalna sredstva, a kolika tekuća sredstva organizacije (AKTIVA)? Prikazati sukladno "grupa konta"?

Antonio Beus, predsjednik Upravnog odbora/predsjednik udruge je odgovorio da sukladno "grupi konta 0 i 1" osnovna sredstva su 642 KM, a tekuća sredstva su 587.683 KM.

33. Koliki su trajni izvori, dugoročne i kratkoročne obveze organizacije (PASIVA)? Prikazati sukladno "grupa konta".

Sukladno "grupi konta 2 i 3" trajni izvori, dugoročne i kratkoročne obveze (PASIVA) su 588.325 KM.

Napomena Instituta: U Bilanci stanja na dan 31.12.2020. godine UFI je imao negativan saldo trajnih izvora u iznosu od 1.449.070 KM, dugoročne obveze su 0 KM, dok su kratkoročne obveze iznosile 2.037.395 KM. Institut je dana 18.11.2021. godinu uputio UFI-ju zahtjev za pojašnjenje navedenog pitanja, s obzirom na neslaganje u iznosima sredstava za ugovorene usluge koji su navedeni u odgovoru na pitanje i podataka koji su navedeni u Bilanci uspjeha. UFI je dostavio traženo pojašnjenje u kojem se navodi sljedeće:

- Akumulirani višak rashoda nad prihodima, odnosno akumulirani saldo trajnih izvora na 31.12.2019. godine je 921.027 KM;
- Akumulirani višak rashoda nad prihodima, odnosno akumulirani saldo trajnih izvora na 31.12.2020. godine je 1.449.070 KM;
- Akumulirani saldo kratkoročnih obveza i razgraničenja na 31.12.2020. godine je 2.037.395 KM, i on sadrži:
 - kratkoročne obveze na 31.12.2019. godine 105.312 KM,
 - kratkoročne obveze na 31.12.2020. godine 152.906 KM,
 - kratkoročna razgraničenja i rezerviranja na 31.12.2019. godine 1.527.170 KM;
 - kratkoročna razgraničenja i rezerviranja na 31.12.2020. godine 1.884.489 KM;
- Ukupna pasiva na 31.12.2019. godine je 711.455 KM;
- Ukupna pasiva na 31.12.2020. godine je 588.325 KM

34. Da li je bilo kapitalnih izdataka i novčanih donacija?

Antonio Beus, predsjednik Upravnog odbora/predsjednik udruge je odgovorio da u 2020. godini nije bilo kapitalnih izdataka, a novčane donacije su iznosile ukupno 1.600 KM.

Napomena Instituta: Nabavljen je 1 notebook u iznosu od 1.298 KM.

35. Koliki su planirani, a koliki ostvareni prihodi, od kojih korisnika, iskazati procentualno?

Antonio Beus, predsjednik Upravnog odbora/predsjednik udruge je odgovorio da je planirani prihod od korisnika – kablinskih operatera/reemitera AV djela za 2020. godinu bio u iznosu od 3.996.077 KM, te prihod od tih korisnika na ime naknada za prethodne periode (po sudskim postupcima). Međutim, a kao što je to već na više mjesta naprijed navedeno, u predmetnom periodu UFI nije imala zaključen kolektivni ugovor (iz razloga detaljnije navedenih u odgovoru na pitanje 14.) pa tako nije bila u mogućnosti realizirati plan.

36. Ko unosi košuljice u sustav, a ko provjerava unos u sustav? Da li su definirana pravila i donesena uputa o unosu i kontroli košuljica?

Antonio Beus, predsjednik Upravnog odbora/predsjednik udruge je odgovorio da, kao što je to naprijed već navedeno, za period koji je predmet nadzora nije bilo ni dostavljanja, pa tako ni obrade podataka o iskorištavanju autorskih djela iz repertoara UFI-ja. Podsjećamo da za predmetni period nije postojao zaključen kolektivni ugovor.

37. Koliko je sredstava raspodijeljeno u godini koja se kontrolira, u neto i bruto iznosu, koliko domaćim autorima, a koliko na osnovu recipročnih ugovora sa stranim organizacijama?

Antonio Beus, predsjednik Upravnog odbora/predsjednik udruge je odgovorio da u 2020. godini nije bilo raspodjele sredstava ni domaćim niti inozemnim autorima/nositeljima autorskog prava i/ili njihovim organizacijama.

38. Koliko emitera je ušlo u obračun i da li su obrađene sve košuljice?

Antonio Beus, predsjednik Upravnog odbora/predsjednik udruge je odgovorio da u obračun je predviđen ulazak svih urednih izvještaja o korištenju AV djela iz repertoara KO UFI koje korisnici dostave sukladno odredbama ZKOASP i zaključenih ugovora. U periodu za koji se radi nadzor nije bilo ni dostavljanja, pa tako ni obrade podataka o korištenju AV djela. Ovo je detaljnije pojašnjeno i obrazloženo u odgovorima 20., 21. i 36.

Nadzor je završen u 16 časova.

Vjerujemo da su temeljem nadzora Udruge filmske industrije UFI pribavljeni dokazi dovoljni i odgovarajući i da osiguravaju temelj za naše mišljenje.

Postupanje po ranijim preporukama

Institut je u postupku nadzora utvrdio da je UFI postupio po preporukama Instituta iz prethodnih godina (donesni su interni Pravilnici i poboljšan je sustav internih kontrola).

Mišljenje

Uzimajući u obzir činjenicu da u 2020. godini Udruga filmske industrije nije imala zaključen kolektivni ugovor sa reprezentativnim udruženjem korisnika (Ugovor sa Asocijacijom kablovskih operatera i distributera mrežnih usluga u BiH je istekao 31.12.2018. godine), te da zbog nedostatka tarife (pogledati pitanje broj 14.) nije bilo moguće vršiti naplatu autorskih naknada i raspodjelu istih, nakon što se počne sa naplatom naknada za kablovsko reemitovanje audiovizuelnih djela i sa raspodjelom istih, Institut će dati mišljenje o usklađenosti poslovanja UFI-ja sa Zakonom o kolektivnom ostvarivanju autorskog i srodnih prava.

Na dan 31.12.2020. godine, UFI vodi 16 sudskih praničnih postupaka protiv korisnika koji nisu zaključili individualne ugovore sa UFI-jem, a radi naplate potraživanja, u ukupnom iznosu od 12.366.560 KM. Institut cijeni da je bitno sačekati okončanje sudskih postupaka i naplatu potraživanja, te raspodjelu naknada nosiocima prava za 2017. i 2018. godinu. Na Skupštini UFI-ja, održanoj 19.02.2020. godine zaključeno je da se raspodjela prikupljenih sredstava odgađa i da se neće vršiti do drugačije odluke Skupštine UFI-ja (Odluka 07-19-02/20). Također UFI navodi da je najmanje za raspodjelu osigurano 8.184.296 KM za razdoblje do 31.12.2018. godine (prema njihovom izvješću ova sredstva će se raspodijeliti nakon okončanja sudskih postupaka).

Udruga filmske industrije je obavezna blagovremeno obavijestiti Institut o svim sudskim odlukama u navedenim sporovima, jer od ishoda ovih postupaka zavisi obavljanje poslova kolektivnog ostvarivanja prava na kablovsko reemitovanje audiovizuelnih djela i isplata naknada nosiocima prava.

Prema našem mišljenju, financijsko poslovanje udruženja UFI je u potpunosti prikazano fer i istinito, osim za učinke pitanja opisanih u dijelu Temelj za mišljenje s rezervom, po svim bitnim pitanjima, na dan 31.12.2020. godine, odnosno bilo je u svim materijalno značajnim aspektima usklađeno sa važećom zakonskom regulativom.

Temelj za mišljenje s rezervom

Sudski sporovi

Nadzorom je utvrđeno da su protiv UFI-ja pokrenuta dva sudska spora u ukupnom iznosu od 5.980.000 KM. UFI nije stvorila rezerviranja za moguće efekte, odnosno potencijalne obveze za sudske sporove koji se vode protiv UFI-ja. Iz navedenih razloga nije moguće predvidjeti ishod ovih sporova, kao ni mogući iznos eventualnih troškova postupka, zateznih kamata i ostalih troškova po ovim postupcima. Nismo u mogućnosti izračunati efekte gore navedenog (konstatirano i u revizorskom izvješću UFI-ja).

Stav rukovodstva UFI-ja je da vršenje rezerviranja za moguće efekte nije obvezno nego je to stvar procjene. Nakon izvršenih analiza rukovodstvo UFI-ja je zaključilo da nije bilo nužno potrebno vršiti rezerviranja sredstava u vezi s ovim postupcima.

Kratkoročni plasmani i potraživanja

Nadzorom je utvrđeno da su na dan 31.12.2020. godine kratkoročni plasmani i potraživanja iznosila 555.587 KM. Navedeni iznos djelomično sadrži i potraživanje od Udruženja filmskih radnika (UFR) i to 175.683 KM. Ovo potraživanje ne proističe iz izravnih transakcija UFI-ja i UFR-a. Kao što je spomenuto u točki 1. (sudski sporovi) UFR je pokrenuo tužbu protiv UFI-ja u značajnom iznosu. Temeljem navedenog upitna je naplativost ovog potraživanja. Nismo u mogućnosti izračunati efekte gore navedenog (konstatirano i u revizorskom izvješću UFI-a).

Skrećemo pažnju na sljedeće (naglašavanje činjenica)

Radi boljeg razumijevanja financijskog položaja UFI-ja, a bez daljeg kvalificiranja našeg mišljenja s rezervom, skrećemo pažnju na sljedeće:

Kratkoročne obveze, razgraničenja i rezerviranja

Nadzorom je utvrđeno da su na dan 31.12.2020. godine kratkoročne obveze, razgraničenja i rezerviranja iznosila 2.037.395 KM (2019; 1.632.482 KM) i višestruko su premašila tekuću imovinu, koja je iznosila 587.683 KM (2019; 710.491 KM). Neblagovremeno izmirivanje obveza može uzrokovati dodatno financijsko opterećenje u pogledu zateznih kamata, penala i sl., kao i pad poslovne reputacije, koji opet uzrokuje otežan pristup izvorima financiranja i nepovoljnu pregovaračku poziciju u poslovnim dogovorima sa klijentima i dobavljačima (konstatirano i u revizorskom izvješću UFI-a za 2020. godinu).

Trajni izvori

Nadzorom je utvrđeno da na dan 31.12.2020. godine UFI ima negativan saldo trajnih izvora, tj. imao je 1.449.070 KM (2019; 921.027 KM) akumuliranih rashoda nad prihodima (2018. godina je 486.117 KM).

Sustav internih kontrola

Nadzorom je utvrđeno da je rukovodstvo UFI-ja poboljšalo sustav internih kontrola. Utvrđeno je da ulazne fakture u blagajni nisu potpisivane od strane odgovornih osoba (fakture za gorivo, fakture za reprezentaciju, putarine i sl.), već je napravljena specifikacija, koja je ovjerena potpisom odgovorne osobe i štambiljom. U 2020. godini su se iz blagajne isplaćivali računi koji su nastali u 2019. godini, a odnosili su se na usluge reprezentacije, troškove goriva, parkinga, putarina, poštanskih usluga. Takođe, putem blagajne su se isplaćivali i putni nalozi iz 2018. godine (broj naloga je 01-02-12/2018) i 2019.

godine (broj naloga je 01-10-03/2019), za koje su stvorene obveze u ranijem periodu. Blagajna se knjiži zbirno za više mjeseci – npr. troškovi nastali u periodu od 01.01.2019. do 31.05.2020. godine su knjiženi jednim dnevnikom blagajne.

Obveze za naknade upravljačkih tijela knjižene na dan 31.12.2020. godine su knjižene u zbirnom iznosu, tj. kroz glavnu knjigu nisu evidentirane obveze pojedinačno za svakoga člana upravljačkih tijela, odnosno ne vidi se koliko se kome od članova upravljačkih tijela treba isplatiti naknada.

Evidencija rashoda / troškova poslovanja bez ispostavljene fakture

Nadzorom je utvrđeno da su obračunati rashodi bez ispostavljenih faktura od dobavljača Planus Media d.o.o. Sarajevo, na iznos od 444.149 KM. Trošak je knjižen/evidentiran na dan 31.12.2020. godine. Obveza trenutno nije nastala nego će nastati na temelju ispostavljanja faktura od navedenog dobavljača. Navedene činjenice su utvrđene Odlukom Upravnog odbora broj: 01-30-11/20 od 30.11.2020. godine, u kojoj je navedeno da se temeljem članka 4. Ugovora između UFI-ja i Planus Media d.o.o. Sarajevo (Ugovor je zaključen 22.08.2016. godine) iznos od 444.149 KM knjiži na skupinu konta pasivnih vremenskih razgraničenja i pripadajućeg konta troška.

Potrebno je da Institutu dostavite dokaze o naprijed navedenim nalogima.

Predstavnici UFI-ja su u ostavljenom roku iznijeli primjedbe na Zapisnik sačinjen u postupku nadzora. Institut je djelimično usvojio primjedbe, koje su unesene u konačni Zapisnik o nadzoru nad radom UFI-ja za 2020. godinu.

Zapisnik potpisuju:

U ime Instituta:

Boris Sesar, pomoćnik direktora za budžet,
finasijske i računovodstveno
- materijalne poslove Instituta

Tatjana Vitomir, šef Odsjeka za autorsko i srodna prava

U ime UFI-ja:

Antonio Beus, predsjednik udruge

Josip Vujica, tajnik UFI-ja
